



# *As zun weer opkomt*

Gronings blijspel in drie bedrijven

door

**E. TORRENGA**

TONEELUITGEVERIJ VINK B.V.  
(Grimas Theatergrime verkoop)  
Tel: 072 - 5 11 24 07  
E-mail: [info@toneeluitgeverijvink.nl](mailto:info@toneeluitgeverijvink.nl)  
Website: [www.toneeluitgeverijvink.nl](http://www.toneeluitgeverijvink.nl)

## VOORWAARDEN

Alle amateurverenigingen die het stuk: **AS ZUN WEER OPKOMT** gaan opvoeren, dienen in alle programmaboekjes, posters, advertenties en eventuele andere publicaties de volledige naam van de oorspronkelijke auteur: **E. TORRENGA** te vermelden.

De naam van de auteur moet verschijnen op een aparte regel, waar geen andere naam wordt genoemd.

Direct daarop volgend de titel van het stuk.

De naam van de auteur mag niet minder groot zijn dan 50% van de lettergrootte van de titel.

U dient tevens te vermelden dat u deze opvoering mag geven met speciale toestemming van het I.B.V.A. Holland bv te Alkmaar.

**Copyright: © Anco Entertainment bv - Toneeluitgeverij Vink bv**

**Internet: [www.toneeluitgeverijvink.nl](http://www.toneeluitgeverijvink.nl)**

**E-mail: [info@toneeluitgeverijvink.nl](mailto:info@toneeluitgeverijvink.nl)**

Niets uit deze uitgave mag verveelvoudigd en/of openbaar gemaakt worden door middel van druk, fotokopie, verfilming, video opname, internet vertoning (youtube e.d.) of op welke andere wijze dan ook, zonder voorafgaande schriftelijke toestemming van I.B.V.A. HOLLAND bv te Alkmaar, welk bureau in deze namens de Uitgever optreedt.

Het is niet toegestaan de tekst te wijzigen en/of te bewerken zonder voorafgaande schriftelijke toestemming van I.B.V.A. HOLLAND bv te Alkmaar, welk bureau in deze namens de Uitgever optreedt.

Vergunning tot opvoering van dit toneelwerk moet worden aangevraagd bij het Auteursrechtenbureau **I.B.V.A. HOLLAND bv**

Postbus 363

1800 AJ Alkmaar

Telefoon 072 - 5112135

Website: [www.ibva.nl](http://www.ibva.nl)

Email: [info@ibva.nl](mailto:info@ibva.nl)

ING bank: 81356 – IBAN: NL08INGB0000081356 BIC: INGBNL2A

**Geen enkele andere instantie dan het IBVA heeft de bevoegdheid genoemde rechten van u te claimen, of te innen.**

Auteursrechten betekenen het honorarium (loon!) voor de auteur van wiens werk door u gebruik wordt gemaakt!

Auteursrechten moeten betaald worden voor elke voorstelling, dus ook voor try-outs, voorstellingen in/voor zorginstellingen, scholen e.d.

### **Vergunning tot opvoering:**

1. Aankoop van minimaal **10** tekstboekjes bij de uitgever.
2. U vult het aanvraagformulier in op [www.ibva.nl](http://www.ibva.nl) of u zendt de aanvraagkaart (tevens bewijs van aankoop), met uw gegevens, naar I.B.V.A. Holland. Uw aanvraag dient tenminste **drie weken voor de eerste opvoering** in bezit te zijn van I.B.V.A. Holland.
3. U krijgt daarop de nota toegestuurd. Na betaling wordt u de vereiste vergunning toegestuurd.

### **Vergunning tot HER-opvoering(en):**

1. U vult het aanvraagformulier in op [www.ibva.nl](http://www.ibva.nl) of u zendt de aanvraagkaart met uw gegevens naar I.B.V.A. Holland. Uw aanvraag dient tenminste **drie weken voor de eerste opvoering** in bezit te zijn van I.B.V.A. Holland.
2. U krijgt daarop de nota toegestuurd. Na betaling wordt u de vereiste vergunning toegestuurd.

**Opvoeringen zonder vergunning zijn niet toegestaan en strafbaar op grond van de Auteurswet 1912. Zij worden gerechtelijk vervolgd, terwijl de geldende rechten met 100% worden verhoogd. Het tarief wordt met 20% verhoogd voor opvoeringen waarvoor geen toestemming werd aangevraagd binnen drie weken voorafgaand aan de voorstelling.**

**Het is verboden gebruik te maken van gekregen, geleende, gehuurde of van anderen dan de uitgever gekochte tekstboekjes.**

**Rechten BELGIË: Toneelfonds JANSSENS, afd. Auteursrechten,  
Te Boelaerlei 107 - 2140 Bght ANTWERPEN Telefoon (03)3.66.44.00.  
Geen enkele andere instantie heeft de bevoegdheid genoemde rechten  
van u te claimen, of te innen.**

## **SPEULERS:**

Sieger Damstroa - bouwvakker ien de w.a.o.

Betsie - zien vraauw

Bert - heur zeun

Sien - heur dòchter

Kloas Kenien - een òlle waark kammeroad dij hail troag proat, op  
dezulfde toonhoogte

Jannoa - zien vrouw, een echte Kenou

Theo - vriend van Sien

Mans Boon - buurman van Sieger, stöttert nog al wat

Greet Stovvel - Mans Boon zien hoesholster, een nait te snugger persoo-  
n. Ze hèt sums wat last van jeukte

Nicole - Barjuffrouw oet de stad

## EERSTE BEDRIEF

Sieger zit bie toavel te lezen, mor slagt blad nait om. Hai hèt blad van hoezen te koop veur zich.

Betsie (*komt op, gaat weer of mor zegt de eerste keer niks. Den komt ze op mit kovvie of thee*): Wel interessant nait, wat of`s doe doar aan `t lezen bis. (*staat bie themeubel. Sieger zegt niks, heurt heur nait. Betsie gaat achter hom stoan*) Ik zee, wel interessant nait wat doe doar aan `t lezen bis.

Sieger (*schrikt*): Hé..... wat.....? Wat zee`s doe?

Betsie: Ja... Hes het toch wel heurt, nait. Doe zit`s de haile tied aal mit dezulfde blad van kraant veur die. En ook nog wel een blad woar hoezen te koop op stoan. En hes blad nog op kòp ook. Doe bis toch nait van plan een hoes te kopen? Den mos wel bie een andere priesklasse kieken, want dizze hoezen bennen veur ons veul te duur.

Sieger: Nee, ik was hail ver weg mit mien gedachten. Ik was even wegdreumd. (*volt kraant op*)

Betsie: Joa, dat dòcht ik aal. Wolt kovvie hemmen, of hes`t er nog nait aan tou.

Sieger: Joa, groag. Doar heb ik wel zin ien. (*stoart weer ien gedachten veur hom oet*)

Betsie (*schenkt kovvie ien en gaat zitten*): Zeg, bis doe guster een òlle bekende tegenkomen of zo?

Sieger (*schrikt weer op*): Hé.... wat... nee, hou komst doar bie?

Betsie: Nou, hail gewoon. Om de doodainvoudege reden da`s doe mielenver weg bis mit dien gedachten. Bis guster messchain een òlle vlam tegenkomen? En bis verlaifd wòrren?

Sieger: Nee, kiek het zit zo. Guster, tiedens onze raais, hemmen wie een poar pilsjes pakt, dou de vraauwluu aan `t winkeln waren.

Betsie: Joa, dat huifs mie nait te vertellen. Dat hemmen wie wel markt. Als joe weer zukswat doun, heb ik wel groag dat joe dat even zeggen. Bus mos nog op joe wachten ook. Blauw hemmen wie ons aagert. Naargens konnen wie joe vienen.

Sieger: Ja, heur ains even. Wel gaat nou tiedens een raaiske ook aan `t winkeln. Dat kennen je allain mor van vraauwluu verwachten.

Betsie: Precies. Doar bennen wie den ook vraauwluu veur. Kerels willen toch nooit mit. En zo is`t gezelleger als allain deur stad te lopen.

Sieger: Allemaal goud en best. Wie bennen dou mor een èndje goan lopen omdat wie joe nait vienen konden en dou kwamen wie touvalleg een gezellege kroug veurbie woar wie een poar snapt hemmen. Nait

dat wie er nou zo`n zin ien hadden. Nee, het was meer om een beedje wroak te nemen.

Betsie: Heur zo`n dreugstòppel nou ains aan. Nait dat wie doar nou zo`n zin aan hadden. Nee... nee, joe zollen ook gain zin aan bier hemmen. O... O... O.... Wat een straf was dat. En mor mit tegenzin zo`n kroug ien stappen.

Sieger: Ja kiek ains, nou mos.....

Betsie (*vaalt vlug ien*): Trouwens, hou wisten joe dat dat zo`n gezellege kroug was.

Sieger: Dat wil ik die nou juist vertellen. Er waren een poar jongens bie dij doar al ains een keer eerder west waren.

Betsie: Ook touvalleg zeg.

Sieger: Ja, stil nou ains even. Er gebeurde iets hail roars. Dou wie doar noar binnen wollen goan, wol Kloas Kenien ienains nait meer mit. En doe wais hou hai is. Veuraal als het om bier drinken gaat.

Betsie: Ja, dat huifs mie nait te vertellen. Zo vlug als hai mit bier drinken is, zo troag is hai mit proaten. Kloas hèt geut mainsttied goud op òfloop liggen. En nog vlugger als een aander het betoald.

Sieger: Hai haar zogenoamd gain zin meer. Noa veul vieven en zessen ging hai toch mit noar binnen.

Betsie: Woarom wol hai ienains nait meer mit den?

Sieger: Dat wait ik nait. Ik wait wel dat hai mor even binnen west hèt. Hai is mit stille trom vertrokken en hèt zien verteren nait ains betoald.

Bert (*op mit sloaperege kòp*): Gòiemörn.

Sieger: Gòiemörn.

Betsie: Gòiemörn.

Bert (*mit een geeuw*): En..... hou was de raais guster? Hemmen joe een beedje plezaaier had? Het eten was netuurlek goud verzörgd. Mor hou zat het mit de drinkerij? Ook goud neem ik aan?

Betsie: Joa, veuraal het drinken, doar hemmen ze zoals gewoonlijk zat genug van had.

Bert: Nou ja, joe hemmen ook nait ale doagen een raais van de biljartclub.

Sieger: Zo is`t mor net. Ain keer per joar maag je toch wel ains een beedje te veul op hemmen? Of nait sums.

Betsie: Ain keer per joar zee`s doe toch. Man, loat mie nait laggen.

Bert (*gaait zitten*): Pa, wat ik joe vroagen wol. Maag ik joen auto vanoavend wel mit hemmen?

Sieger: Mien auto mit hemmen? Woarom mos doe mien auto mit hemmen?

Bert: Omdat wie vanaovend slötbal hemmen en ik dink dat het knap loat wordt vanaovend. Doar komt bie, dat ze vanaovend regen hemmen willen.

Sieger: Zeg ains even, doe köns wel deur de rötten besnuffeld wezen. Mooi loat en dronken thoes vanzulf. Vergeet het mor rusteg. Neem mor een taxi, als doe zo groag drinken wils.

Bert: Joa.... Dat zol ik ook wel doun, mor mien buuscenten bennen zowat op. Als joe dat nou even aanvullen, (*holt haand op*) want ik wil ook nog groag een beedje drinken kopen.

Sieger (*gaait stoon*): Bis nog nait hailemoal oetsloopen wel?

Bert: Joa, mor pa.....

Sieger (*vuilt aan zien achterkòp*): Kiek jongeman, ik heb hier wel een bult zitten, mor ik ben er nog nait op vaaln. Doe mit mien auto noar een dronkenmans feest zeker. Köns dien verstand vannaacht wel versloopen hemmen. (*of*)

Bert: Mam.... kennen joe nait een goud woordje veur mie doun? Pa dinkt netuurlek dat ik drink als ik achter het stuur zit. Mor doar huif joe echt nait baang veur te wezen. Ik heb mien vriendin beloofd dat ik heur op zol hoalen.

Betsie: Vertel mie ains. Wanneer kriegten wie dij vriendin van die nou ains te zain. Doe bis door altied zo gehaimzinneg over.

Bert: Dat duurt nait zo lang meer. Vanaovend goa ik kennis moaken mit heur òllers en volgende week komen wie hier. En den stel ik heur aan joe veur.

Betsie: Doar ben ik blied om. Veur dizze keer zel ik pa vroagen, of doe auto mit hemmen maags. Mor den mos doe mie beloven gain bier te goan drinken.

Bert: Dat belof ik joe. Doar kennen joe van op aan.

Betsie: Ja, mor ik wait nait of het wat helpt, ik belof niks. Doe wais hou dien pa is. Als hai ainmoal nee zegt hèt, blift het mainsttied ook nee.

Bert: Ja, ik wait het. Ik snap eerlijk gezegd ook nait dat joe dat altied mor nemen. Noeit goan joe er tegen ien. Joe doun altied wat pa zegt. Kom toch ains veur joe zulf op. Het is joen auto toch ook?

Betsie: Joa, dat wait ik ook wel. Doar hemmen wie het al voaker over had. Loat wie er mor over ophollen.

Bert: Joa, zo gaat dat nou altied!!! Mor ik blief het roar vienen.

Sien (*op van boeten*): Ziezo, de eerste man aan mien zegekar. Altied kwam ik een ènd achter hom aan.... mor vandoag heb ik hom versloagen.

Theo (*komt op en ploft mit ain ien een stoul*): Ik ken wel waiten dat ik de leste tied nait veul lopen heb.

Sien Joa heur... meneer zocht weer noar een oetvlucht. Hai ken nait hemmen dat ik het van hom wonnen heb.

Theo: Nou, doe haars het ook nait wonnen, doame, als ik nait over dij stain strukelt waas en nait vaaln waas.

Sien: Ja, dat vroug ik mie ook al of. Woarom gings doe doar aigelk liggen. Doar wol ik aandere ook net goan liggen, mor dou ik zag da`s doe doar aal laags, ben ik mor deurlopen. *(lacht)*

Theo: Hò.. Hò... Hò, wat een lol. Kietel mie even onner aarms, den ken ik mit lachen.

Sien: Dat dou ik straks wel even, als doe onner de douche west bis.

Betsie *(stoan)*: Wel wil er kovvie?

Theo: Groag, ik wil wel een kòpke. Ik heb dörst als een peerd.

Sien: Ik heb ook wel zin ien kovvie, mam.

Betsie: Doe ook??? Dat gebeurt ook nait voak?

Sien: Nee, doar hemmen joe geliek aan. Mor ik heb nou een beedje dörst van `t trimmen. En ik heb nog niks had vanmörn.

Theo: Joe mouten mor zo reken, het is heur overwinnings draank.

Betsie *(schenkt ien)*: Asjeblijft. Willen joe er ook wat bie hemmen? Ik heb ien keuken nog wel een plakje kouk.

Sien: Nee, ik nait.

Theo: Dat sloag ik nait òf. Ik wil wel groag een plakje kouk hemmen. Doar heb ik wel zin aan.

Betsie: Den hoal ik het even op. *(gaait of om kouk te hoalen)*

Bert *(tegen Theo)*: Kennen wel zain da`s doe hier goud ien de markt ligs. Er wordt die vroagt of doe wat bie kovvie hemmen wils. Dat wordt mie de leste tied nait meer vroagt.

Sien: Wòr`s een beedje jaloers bruerke?

Bert: Nee, dat nait. Mor Theo krigt hier de leste tied meer gedoan als ik.

Sien: Och stumper, doe bis te bekloagen. Kennen aan die wel zain da`s doe hier oareg tekort koms.

Bert: Nou, te kort komen.... zo is`t nou ook weer nait. Ik kom niks tekort, mor mam hèt die altied aal een beedje veurtrokken en doar profiteert Theo van.

Sien: Doe hes volkomen geliek. Doe zichs er ienerdoad ook nait best oet. Kennen aan die wel zain da`s doe het hier nait best hes. Ik krieg aal een beedje medelieden mit die.

Bert: Dat is nou ook nait weer neudeg.

Theo: Joa, jong. Ze bennen mie hier aan `t vet mesten en dat gaait ten koste van die.

Bert *(wil van `t gesprek of)*: Hou goan joe vanoavend noar slöt bal? Of goan joe mit pa zien auto hìn.

Sien: Nee, hou dat zo?



Bert: Omdat ik hom vanaovend groag mit wil hemmen.

Sien: Van mie maags hom mitnemen. Mor of pa zien auto oetlaint aan die betwievel ik.

Bert: Dat heur ik vanzulf. Ik ben al laang blied dat joe zien auto nait neudeg hemmen. *(of noar de keuken)*

Theo: Zol hai werkelijk jaloers op mie wezen?

Sien: Niks heur. *(ien gedachten)* Mor er zit hom wat aandere dwaars. Ik heb heurt dat hai wat scharrelt mit Jennie Kruk. En Bert dut de leste tied wel voaker vremd. Veuraal als Jennie ter sproake komt. Ze bennen van jongs of aan aal bevrund. En Bert komt altied veur heur op.

Theo: Nou, om die eerlijk de woarheid te zeggen, dat heb ik ook aal heurt. Doar wordt de leste tied veul over kletst ien` t dörp.

Sien: Ze goan altied geliek mit mekoar noa daansles vot. Dat is mie de leste tied opvaaln.

Theo: Ja, dat is nog nait zo aarg, mor ik heb oet gòie bron heurt dat zai ien verwachten is.

Sien: Oh... *(angsteg)* Theo... doe dinks toch nait dat Bert....

Theo: Ik wait nait wat ik er van dinken mout. Mor als ik heur zo bekiek...

Sien: Doe dinks toch nait dat zai van Bert .....

Theo: Dat is nait te hopen, want ik wait dat ze mit veul meer jonges op stap west hèt. Noar men zegt stoan er wel tien jonges op een liest, woar ze van ien verwachten wezen ken. Als ze Bert er van beschuldegt, zol ik eerst een bloudtest doun loaten, als ik hom was.

Sien: Ik hoop toch nait dat dat woar is.

Theo: Nou mos doe direkt nait het aargste dinken. Het ken netuurlek best wel mitvaaln.

Sien: Zol hai daarom zo voak òfwezeg wezen mit zien gedachten?

Theo: Dat is best meugelk.

Sien: Ik ben er nait gerust op.

Theo: Loaten wie er het beste mor van hopen. *(rekt hom oet en geeuwt)* Ik ben muit. Ik ken wel een pooske sloapen.

Sien: Doe bis de leste tied ook wat sloom. Doe koms toch nait op dij liest veur?

Theo: Mien laive tied, nee. Ik mout er nait aan dinken.

Sien: Wat scheelt er den aan? Doe dus de leste tied ook zo nerveus. *(ploagend)* Of is meneer messchain verlaifd?

Theo *(stoart veur hom oet)*: Joa, dat kon wel ains zo wezen.

Sien *(noa even stilte)*: Zeg Theo.....?

Theo: Ja, wat is er?

Sien: Is het nait zo dat verlaifde mensen ien de zeuvende hemel zweven? *(gaait stoan)* Zweefs doe doar ook hen?

Theo: Wat bedouls doe?

Sien: Ik bedoul.... (*springt bie Theo op schoot*) Neem mie den mit. (*kust hom*) Den goan wie soamen zweven.

Betsie (*is onnertussen opkomen mit kouk*): Woar goan joe soamen hìn zweven?

Sien: Noar de zeuvende hemel woar ale verlaifde mensen hìn goan. Teminste, dat zegt men.

Betsie: Kiek mor oet dat joe er nait oetvaaln. (*laggend*)

Theo: Joa, help heur mor goud mit. Ik mout het altied ontgellen. Sien pest mie de haile mörn aal.

Sien (*gaait stoan en löpt laggend noar Betsie*): Doe bis te bekloagen. Ain keer hèt meneer van mie verloren en mitain begunt hai zich te bekloagen. Kienerachteg heur.

Theo: Omdat doe de haile mörn aal aan `t pesten bis, heb ik die winnen loaten vanmörn. Ik dòcht het zwakke geslacht mout toch altied geliek hemmen.

Betsie: Wolt doe nog kovvie, Theo?

Theo: Nee, mor wel groag een plak kouk. Doar heb ik wel zin ien. (*Theo pakt snel een plak kouk*)

Sien (*dij onnertussen is goan zitten*): Heur hom ains..... spuit elf gef ook modder.

Theo: Als doe dien zin krigs, krieg ik het mainste van die gedoan en bis ook nait zo vervelend.

Sien: Mit aandere woorden: doe komst tekort bie mie? (*gaait stoan en trekt Theo oet zien stoul*)

Theo: Dat heurs doe mie nait zeggen.

Sien: Nee, dat durfs doe nait, mor bedouls het wel.

Theo: Nee, ik bedoul allain mor.....

Sien: Nou wòrt het tied da`s doe noar dien aigen hoes gaais mien jong en onner de douche staps. En vergeet veuraal nait om dien mond te spoulen. (*drukt Theo de koamer oet*) Gegroet, jongeman. Zo, opgeroemd staat netjes, wat joe, mam?

Betsie: Ja, heur ains even. Ik zeg niks, ik kiek wel oet. Heur, zai en zwieg is mien devies. Ik pas er wel veur op, om mie doar mit te bemuien. Wolt doe nog een kòpke kovvie?

Sien: Joa groag. En den goa ik straks ook onner douche. (*gaait zitten*)

Betsie: Hou staat het nou aigelk mit die en Theo. Joe lopen nou aal zo laang mit mekoar? Hemmen joe nog gain trouwplannen?

Sien: Wie hemmen aal drij joar verkeren mit mekoar. Ik ken `t mie nait veurstellen. Wat gaait de tied toch vlug, hèn?

Betsie: Proat mie er nait van. Wie bennen straks aal weer 25 joar trouwt. Wat gaait de tied toch vlug. Ik ken het mie nog herinnern als de dag van guster.

Sien: Wie hemmen het er lest nog over had, dat als wie te hoes oetgoan, wie eerst een tiedje goan soamenwonen. Dus reken veurlopeg nog mor nait op een bruloft.

Betsie: Doar zel pa nait zo blied mit wezen, d`ink ik. Ien ons tied nuimden ze dat hokken en werden de mensen mit vinger noa wezen als ze dat deden. En nou is` t hail gewoon en doun de mainste jongeluu het. Er is wat veur en wat tegen.

Sien: Joa, mam. Doar wordt nou nait meer over proat. Het is nou de gewoonste zaak van de wereld.

Betsie: Joa, wat een verschil mit de tied dou ik zo jong was als doe. Ik heur het mie thoes aal zeggen. Pa..... Moe.... Sieger en ik goan binnenkort het hoes oet. Veur wie goan trouwen, goan wie eerst een tiedje soamen wonen. Het hoes zol veul te klain wezen. Ik heur mien pa aal roupen, wat.... hokken... Mien d`ochter wil goan hokken. Nou vraag ik joe. Noeit van mien leven. (*veur heur oet*) Nee.... wat dat betreft, den is` t vandoag oareg wat makkelker.

Sien: Ja, ik ben blied dat er nou wat aandere over d`ocht w`ordt. Mor kom, ik goa mie nou eerst even douchen. Wie hemmen het er nog wel over en den bennen joe de eerste dij het heurt, mam. (*gaait stoan, geeft Betsie een kus en doarnoa of*)

Betsie (*drinkt heur kovvie op en gaait den ook stoan. Holt heur k`opke ien haand en staait mit gezicht noar de zoal en zegt zacht*): Joa, wat dat betreft h`et de jeugd het oareg wat makkelker als wie vrouger. Mor of ze ook zo blied en dankboar bennen.... betwivel ik. (*nemt smereg kovviespul op en gaait of noar de keuken. Betsie komt op mit Mans*) Goa er mor even bie zitten en vertel mie den ains even wat doe op dien lever hes. Als doe zo vroug op de m`orn aal bie ons over de vlouer koms, mout er wel wat biezunners aan de hand wezen.

Mans (*Mans st`ottert nog aal wat en als hai st`ottert, knippert hai mit oogn en trekt zien schollers op*): D... d... doar hes doe g... g... geliek aan. Ik z... zit ook aargens mit.

Betsie: En hailemoal als doe op soaterdagm`orn koms. Den gaais doe toch altied aan`t vissen? Hes aal kovvie had?

Mans: Nee, d... d... doar heb ik nog g... g... gain tied veur had.

Betsie: Hes den zin ien kovvie?

Mans (*is goan zitten*): D... d... dat sloag ik n... n... nait of.

Betsie (*schenkt heur baaide kovvie ien*): Asjebliedt, kovvie.

Mans: B... b... bedankt.

Betsie: Zo en vertel mie nou ains wat er aan de haand is.

Mans: D... d... dat wol ik n... n... net goan doun. K... k... kiek het zit zo.  
Doe w... w... wais d... d... dat ik aal een h... h... haile tied op zuik ben  
noar een nije h... h... hoesholster.

Betsie: Joa, dat hes mie aal een keer verteld.

Mans: N... n... nou heb ik een advertenzie ien k... k... kraant zet en nou  
k... k... komt er vanmirreg ain om te p... p... proaten.

Betsie: Dat gaat vlug?

Mans: Nou w... w... wait ik da`s d... d... doe mie aal voak aanb... b...  
boden hes om mie te helpen. Z... z... zòlt doe bie dat g... g... gesprek  
aanwezeg willen wezen?

Betsie: Is dat neudeg dinks doe?

Mans: D... d... dat zol ik hail g...g... groag willen. Doe k... k... kens den  
eerst even b... b... beordailen wat veur vrouw het is.

Betsie: Als doe dat groag wilt dou ik dat. Mor wat mout ik zo`n vrouw nou  
vragen?

Mans: Ik z... z... zet wel ongeveer op p... p... pepier wat ik w... w... waiten  
wil.

Betsie: Dat liekt mie een goud idee. Aanders gaat het net als de veurege  
keer en krigs heur mit gain stok te deur weer oet.

Mans: Precies, d... d... dat b... b... bedoul ik nou.

Betsie: Ik heb er gain problemen mit. Ik stoa heur wel even te woord.

Mans: D... d... doar ben ik hail b... b... blied om, want als ik heur d... d...  
dat allemoal mout vragen, b... b... ben ik er mörnvrouw nog mit bezeg.  
Joe w... w... waiten noeit wat veur v... v... vrouw het is en straks k...  
k... ken ik dizze ook nait weer k... k... kwiet wòren.

Betsie: Moak die nou mor nait bezörgd. Ik dou dat wel even veur die.  
Mor zol het nait beder wezen als dij vrouw eerst even hier komt?

Mans: D...d... doar heb ik ook een b... b... beedje op reket en d... d...  
doarom heb ik joen adres opgeven. Ik hoop n... n... nait da`s doe mie  
dat k... k... kwoalek nems.

Betsie: Nee, dat is wel goud. Als ze bie mie komt zel ik eerst wel ains  
even mit heur proaten en kieken wat veur vlees wie ien de koop  
hemmen.

Mans: D... d... dat is den òsproken. Den g...g... goa ik nou eerst mien  
hoes w... w... wat ophemmeln, w... w... want ik heb er een g... g...  
grote bende van. Ik huif nog g... g... gain stevels aan hemmen, mor  
d... d... den hemmen je het ook net zegt.

Betsie: Kom, den loop ik even mit die mit veur dat braifke. *(of deur  
keuken. Sieger komt op van boeten en pakt een kraant, even loater  
komt Kloas op oet keuken)*

Kloas *(Kloas proat op een zeurderege toon)*: Zeg Sieger, ik mout die wat  
vragen. Hou is het guster goan ien dij kroug.

Sieger: Gòiedag zeggen wie altied eerst, als wie aargens komen.

Kloas: O, joa. Gòiedag.

Sieger: Welke kroug bedouls doe? Wie hemmen er zoveul had.

Kloas: Joa mor ik bedoul dij ..... Hou hait dij kroug ook al weer.

Sieger: Ja, als doe dat nait wais, hou mout ik dat den waiten.

Kloas: Nee, ik bedoul dij kroug woar ik mor even binnen west ben.

Sieger: O, wacht ains even. Doe bedouls dij broene kroug "Hoavenzicht".

Kloas: Precies, dij bedoul ik.

Sieger: Mor waarom vroeg`s doe mie dat? Doe was er toch zulf bie?

Kloas: Joa, mor nait zo laang, want ik haar nait teveul geld meer ien mien knip. Boetendes haar ik ook nait veul zin meer. En ik haar ook aal een beedje te veul had.

Sieger: Nou ik er over noad`nk, joa, ik heb die loater ook nait meer zain. Ik heb nog vraagt woar doe bleven bis, mor gainain wist het.

Kloas: Nee, dat klopt wel want ik ben terug goan noar bus.

Sieger: Doe bis terug goan noar bus? En den goan je stil weg zunner te betoalen. Doe bis een mooie kerel. Een aander joen borrel loaten betoalen. Dij heb ik nog te goud van die.

Kloas: Hes doe mien borrel betoald?

Sieger: Dat heb ik, joa.

Kloas: Ik zel die op biljarten wel terug betoalen.

Sieger: Dat staat die ook aan te roaden. Vraauwluu keken wel roar op zeker, dou doe bie bus terug kwam`s.

Kloas: Hou bedouls doe dat? Woar zollen dij roar van opkieken mouten?

Sieger: Nee, loat ook mor zitten. Mor waarom hes doar er zo`n belang bie wat doar ien dij kroug beproat is?

Kloas (*schoft wat zenuwachteg op zien stoul hen en weer*): Nou, kiek hé..... Ik eh..... Nou, ik eh..... (*hai wait nait hou hai het vroagen mout*)

Sieger: Wat nou, kon`s wel op aaier zitten. Of hes de keutel dwaars veur de kont zitten.

Kloas: Ja eh..... Is er verder nog wat biezunners beproat?

Sieger (*kikt hom aan*): Ja kiek, als doe dat zo geern waiten wilt, den haars doe nait weggoan mouten. Mor waarom bis doar zo nijschierig noar?

Kloas: Och eh.... ik eh.... zo mor. Ik maag toch wel waiten woar joe het over had hemmen?

Sieger (*kikt hom aan*): Kon`s wel een `old wief wezen. Wat ken die dat nou schelen.

Kloas: Zee dij juffrouw achter de bar nog wat biezunners?

Als u het hele stuk wilt lezen dan kunt u via [www.toneeluitgeverijvink.nl](http://www.toneeluitgeverijvink.nl) de tekst bestellen en toevoegen aan uw zichtzending.

Voor advies of vragen helpen wij u graag.

 [info@toneeluitgeverijvink.nl](mailto:info@toneeluitgeverijvink.nl)

 072 5112407



**“Samenspelen” is ons motto**